

**Чет эл капитали иштирокида "Hamkorbank" акциядорлик тижорат банкининг
юридик шахслар учун депозит сертификатларини чиқариш ва муомалада бўлиш
Шартлари**

20-чиқарилиш

Мазкур шартлар Ўзбекистон Республикасининг "Ўзбекистон Республикасининг Марказий банки тўғрисида"ги, "Банклар ва банк фаолияти тўғрисида"ги ва "Қимматли қоғозлар бозори тўғрисида"ги қонунларига ҳамда Ўзбекистон Республикаси Адлия вазирлиги томонидан 2008 йил 24 сентябрда 1859-сон билан рўйхатга олинган "Банкларнинг депозит (омонат) сертификатларини чиқариш ва муомалада бўлиш тартиби тўғрисида"ги Низом асосида ишлаб чиқилган бўлиб, Чет эл капитали иштироки "Hamkorbank" акциядорлик тижорат банкининг депозит сертификатларини чиқариш ва муомалада бўлишини тартибга солади.

I. УМУМИЙ ҚОИДАЛАР

1.1. Чет эл капитали иштирокида "Hamkorbank" акциядорлик тижорат банкининг (кейинчалик "банк") депозит сертификати (кейинги матнда "сертификат") - банкка кўйилган депозит суммасини ва омонатчининг (сертификат сақловчининг) депозит (омонат) суммасини ҳамда сертификатда шартлашилган фоизларни сертификатни берган банкдан ёки банкнинг исталган филиалидан белгиланган муддат тугаганидан кейин олиш ҳуқуқини тасдиқловчи нозмиссиявий эгасининг номи ёзилган қимматли қоғоз ҳисобланади.

1.2. Сертификатлар бланкалар тарзида хужожатли шаклда чиқарилади.

1.3. Сертификатни товарлар олди-сотдиси ёки кўрсатилган хизматлар (ишлар) учун ҳисоб-китоб қилишда тўлов воситаси сифатида кўллаш мумкин эмас.

1.4. Депозит сертификатларининг олди-сотдиси ва улар бўйича суммаларни тўлашга доир пуллик ҳисоб-китоблар нақдсиз шаклда амалга оширилади.

1.5. Сертификатларнинг қиймати Ўзбекистон Республикасининг миллий валютасида ифодаланади. Сертификатларни хорижий валютада чиқариш тақиқланади.

1.6. Сертификатлар 182 кундан 1080 кунгача бўлган муддага чиқарилади.

II. СЕРТИФИКАТ БЛАНКАЛАРИНИ РАСМИЙЛАШТИРИШ ТАРТИБИ

2.1. Сертификат бланкаларида куйидаги мазмундаги мажбурий реквизитлар бўлиши лозим:

- а) "депозит сертификати" номи;
- б) сертификат рақами ва серияси;
- в) депозит кўйилган сана;
- г) сертификат бўйича суммани талаб қилиб олиш санаси;
- д) сертификат билан расмийлаштирилган депозит миқдори (рақамлар ва сўзлар билан);
- е) банкнинг депозитга кўйилган суммани қайтариш ва тегишли фоизларни тўлаш юзасидан мажбурияти;
- ж) депозитдан фойдаланиш учун фоиз ставкаси;
- з) тўланиши лозим бўлган фоиз суммаси (рақамлар ва сўзлар билан);
- и) эмитент банкнинг номи, жойлашган манзили;
- к) депозит сертификатида омонатчи - юридик шахснинг номи ва жойлашган манзили;
- л) банк томонидан сертификатни имзолаш ҳуқуки берилган икки нафар мансабдор шахснинг банк мухри билан тасдиқланган имзолари.

Сертификат бланкининг матнida юқорида кўрсатилган мажбурий реквизитлардан бири кўрсатилмаган тақдирда сертификат ҳақиқий эмас, деб ҳисобланади.

2.2. Сертификатда цессия сертификат бланкаси орқа томонида расмийлаштирилади. Агар цессия расмийлаштириш учун қўшимча ва рақалар талаб этилса, унда сертификатни иловалари ҳам бўлиши мумкин. Ушбу иловалар сертификат сакловчининг талаби билан сертификатни муомилага чиқарувчи банк томонидан расмийлаштирилади.

Сертификатнинг иловалари рақамланган, сертификат бланкасига тикилган ва сертификатни имзолаш ҳуқуки берилган икки нафар мансабдор шахс томонидан имзоланиши ҳамда банк (банк филиали) мухри билан тасдиқланган бўлиши лозим.

2.3. Сертификат бланкасида сертификатни чиқариш ва унинг муомалада бўлиш шартлари (бундан бўён матнда чиқарилиш шартлари деб юритилади), шу жумладан цессияни расмийлаштириш ҳамда сертификат йўқотилганда уни қайта тиклаш тартиби акс эттирилган бўлиши лозим.

2.4. Сертификат бланкаси банк томонидан чоп этиш қўлда шарикли ручкада, ёзув машинкасида ёки компьютернинг ёзув мосламасида (принтерида) тўлдирилади.

Сертификат билан расмийлаштирилган депозит миқдори рақамлар ва сўзлар билан ёзилади.

Сертификатнинг рақамда ёзилган қийматидан олдин ва кейинги бўш жойлар, шунингдек номиналнинг сўзда ёзилган қийматидан кейин қолган бўш жойлар икки параллел чизик тортиш йўли билан тўлдириб қўйилиши керак. Сўзлар билан ёзилган ҳамда рақамлар билан белгиланган суммалар ўртасида фарқ бўлган тақдирда сўзлар билан ёзилган сумма ҳақиқий ҳисобланади.

2.5. Сертификатда имзо ва банк муҳрларини босмахона усулида қўйиш тақиқланади.

2.6. Сертификатни беришда банк сертификат корешогидаги барча реквизитларни тўлдиради. Сертификат корешоги сертификат эгаси ёки унинг қонун ҳужжатларига биноан расмийлаштирилган ишончномага эга бўлган ваколатли шахси томонидан имзоланади, сертификатдан ажратилади ва банқда сақланади.

2.7. Омонатчининг (сертификат сақловчининг) вакили депозит сертификатини олиш учун ишончномага эга бўлиши лозим, ишончнома депозит сертификати корешоги билан бирга сақланади.

2.8. Банк томонидан сертификатни тўлдиришда тузатиш ва ўчиришларга йўл қўйилмайди.

2.9. Сертификат бланкасини омонатчига беришда тўғри расмийлаштириш ва тўлдириш учун жавобгарлик банк зиммасига юклатилади.

2.10. Депозит (омонат) сертификати бланкалари, шунингдек сертификатларга қўшимча вараклар (иловалар) фақат қимматли қоғозлар бланкаларини ишлаб чиқариш хуқуқини берувчи лицензияга эга бўлган "Давлат белгиси" ДИЧБ Тошкент босма фабрикаси томонидан тайёрланади. Сертификатга қўшимча вараклар (иловалар) сертификат бланкаси билан бир вақтда тайёрланади.

2.11. Сертификат бланкалари "Қимматли қоғозлар бланкаларига қўйиладиган техник талаблар тўғрисида"ги (рўйхат рақами 1312, 2004 йил 17 феврал) низом талабларига мувофиқ тайёрланади.

III. СЕРТИФИКАТЛАРНИНГ МУОМАЛАДА БЎЛИШ ТАРТИБИ

3.1. Сертификатдан бошқа шахс фойдасига воз кечиш мумкин.

3.2. Депозит сертификати бўйича талаб қилиб олиш хуқуқи фақат юридик шахсга ўtkазилиши мумкин.

3.3. Цессия сертификатнинг орқа томонида ёки қўшимча варакларда (иловалар) цедент ва цессионарийнинг икки томонлама битими билан расмийлаштирилади.

Депозит сертификати бўйича цессия ҳар бир томондан шу каби битимларни амалга ошириш учун юридик шахс томонидан ваколат берилган икки нафар шахс томонидан имзоланади ва юридик шахсларнинг муҳрлари (муҳрлар мавжуд бўлган тақдирда) билан тасдиқланади.

3.4. Сертификатлар қўйидаги миқдор ва ҳажмларда чиқарилади:

Қиймати	Миқдори	Ҳажми
10.000.000 (Ўн миллион) сўм	10 (Ўн) дона	100.000.000 (Бир юз миллион) сўм
50.000.000 (Эллик миллион) сўм	30 (Үттиз) дона	1.500.000.000 (Бир миллиард беш юз миллион) сўм
100.000.000 (Бир юз миллион) сўм	80 (Саксон) дона	8.000.000.000 (Саккиз миллиард) сўм
200.000.000 (Икки юз миллион) сўм	52 (Эллик икки) дона	10.400.000.000 (Ўн миллиард турт юз миллион) сўм
	172 (Бир юз етмиш икки) дона	20.000.000.000 (Йигирма миллиард) сўм

Воз кечиш тўғрисидаги ҳар бир шартнома цедент томонидан рақамланади.

Цессияни расмийлаштириш узлуксиз бўлиши шарт.

3.5. Цессия сертификат муомалада бўлган даврдагина амалга оширилиши мумкин.

Цессия амалга оширилгандан кейин, сертификатни сотиб юборган шахс – "Цедент" ҳамда сотиб олған шахс "Цессионарий" (банк томонидан сертификат бўйича тўланадиган фоизларни тўлаш учун ўз ҳисоб варагини кўрсатган ҳолда) банкка 3 (уч) банк иш куни давомида хабардор қилиши шарт.

3.6. Депозит сертификати цессиясини расмийлаштиришда йўл қўйилган хатолар тузатилганда у тузатиш киритилган сана кўрсатилган ҳолда "тузатилди" ёзуви билан тасдиқланиши ҳамда цедент ва цессионарий томонидан имзоланиши ва муҳрланиши шарт.

3.7. Цессия расмийлаштириганда сертификат корешогига ўзгартиришлар киритilmайди.

3.8. Сертификатни муомила муддати якунланганида унинг эгаси банкка сертификатни ва ушбу сертификатни сундириш тўғрисидаги аризани тақдим этади. Банк мазкур аризага асосан сертификатда белгиланган омонат суммаси ва хисобланган фоизларни тўланмаган қисмини 2 (икки) банк иш куни ичida омонатчини асосий талаб қилиб олунгунча ҳисоб варагига тўловни амалга оширади.

3.9. Сертификат сақловчиси томонидан банкка тўлаб бериш учун тақдим этилган сертификатларда цессиялар мавжуд бўлса, банк цессияларнинг расмийлаштирилиши ва узлуксизлигини текширади. Бунда депозит сертификатлари бўйича — охирги

цессияда қайд этилган цессионарий ваколатли шахсининг имзоси, номи ва муҳри (муҳр мавжуд бўлган тақдирда) сертификат тўлаб берилиши ҳақидаги аризада ваколатли шахс имзоси, юридик шахснинг номи, муҳри (муҳр мавжуд бўлган тақдирда) мос келмаган тақдирда, сертификат сақловчиси томонидан сертификат суммасини талаб қилиб олиш ҳукуқини тасдиқловчи хужоат(лар) тақдим этилиши лозим.

Сертификат сақловчиси томонидан тақдим этилган сертификат суммаси бўйича талаб қилиб олиш ҳукуқини тасдиқловчи хужоат(лар) ёки унинг нусхаси банк томонидан тўлаб берилган сертификатга қўшиб тикиб қўйилади.

Агар сертификат бўйича депозитни (омонатни) олиш муддати депозит сақловчиси томонидан ўтказиб юборилган бўлса, у холда банк сертификатда белгиланган депозит суммаси ва хисобланган фоизларни сертификат эгасининг талабига кўра тўлашга мажбурдир. Сертификат суммасини талаб қилиш кунидан хақиқатда сертификатни тўлов учун тақдим этиш кунигача бўлган муддат учун фоизлар, талаб қилиб олингунча омонатлар бўйича тўланадиган фоизлар миқдорида тўланади.

3.10. Сертификатлар олди-сотди, хадя килиш, мерос килиб олиш, устав фондига киритиш ва эгаси алмашинувига олиб келадиган бошка битмларда, шунингдек гаровда битм обекти булиши мумкин.

Сертификат эгаси бевосита банкдан ёки бошка банклардан кредит ажратилишида сертификатлардан гаров таъминоти сифатида фойдаланишга ҳакли.

IV. СЕРТИФИКАТЛАР БЎЙИЧА ФОИЗЛАРНИ ҲИСОБЛАШ

4.1. Сертификатлар қўйидаги муддатларга ва фоизларда чиқарилади.

Муддатлари	Фоизлари
182 кунлик	7,0 фоиз
270 кунлик	8,0 фоиз
390 кунлик	10,0 фоиз
540 кунлик	10,0 фоиз
720 кунлик	10,5 фоиз
900 кунлик	10,75 фоиз
1080 кунлик	11,0 фоиз

4.2. Сертификат бўйича фоизларни ҳисоблаш "Тижорат банкларида фоизларни ҳисоблаш тўғрисида"ги низомга (рўйхат рақами 1306, 2004 йил 30 январь) мувофиқ амалга оширилади.

4.2.1. Сертификат бўйича фоизлар ҳар ой учун кейинги ойнинг 5 санасига кадар тўланади. Агар ушбу сана дам олиш кунига тўғри келадиган бўлса, фоизлар кейинги банк иш кунидан кечичитирилмаган ҳолда тўланади.

Сертификат бўйича фоизлар омонатчининг сертификатни ушлаб турган кунига ҳисобланиб тўлаб берилади.

4.2.2. Сертификатлар бўйича фоизлар сертификат берилган санадан бошлаб сўндириш санасигача бўлган муддатга ҳисобланади. Сертификатнинг муомала муддати тугагандан кейинги кунлар учун сертификатда белгиланган фоизни шунингдек, талаб қилиб олингунча омонатлар бўйича фоизлар ҳисобланмайди ва тўланмайди.

4.2.3. Сертификат бўйича олинаётган даромадни солиқча тортиш амалдаги қонунчилик хужжатлари асосида амалга оширилади.

4.3. Банк сертификатни бериш вақтида шартлашилган ва сертификатда белгиланган фоиз ставкасини бир томонлама ўзгартиришга (камайтириши ёки кўпайтириши) ҳақли эмас.

4.4. Сертификатни бериш вақтида белгиланган ва муомала муддати тугаганидан сўнг (сертификат эгаси сертификат бўйича депозитини талаб қилиб олиш ҳуқуқини кўлга киритганда) сертификат эгасига тўланиши лозим бўлган фоизлар мазкур сертификат сотиб олинган вақтдан қатъи назар, банк томонидан тўланади.

4.5. Банк чиқарилиш шартларида сертификатларни муддатидан олдин тўловга тақдим этиш имкониятини назарда тутиши мумкин.

4.6. Сертификат сақловчиси сертификатни муддати тугагунга қадар ёхуд сертификатда кўрсатилган бошқа ҳолатлар юз бергунга қадар қайтариб беришни талаб қилиш нияти бўлса, у ўзининг бу ниятидан банкни омонатни олишни мўлжаллаётган санадан камида бир ой олдин хабардор қилиши шарт. Сертификат сақловчиси сертификатни сундириш муддатидан олдин қайтариши қўйидаги тартибда амалга оширилади.

а) сотиб олган санасидан 540 кунгача бўлган даврда сертификатни муддатидан олдин сундириш талаб қилса, амалда бўлган муддати учун йиллик 2 фоиз миқдорида тўлайди.

б) сотиб олган санасидан 540 кундан юқори бўлган даврда сертификатни муддатидан олдин сундиришни талаб қилса амалда бўлган муддати учун йиллик 10 фоиз миқдорида тўлайди.

4.7. Сертификатлар банк ташаббуси билан қонун хужжатларида белгиланган ҳолатларда муддатидан олдин тўловга тақдим этилганида, банк томонидан депозит (омонат) суммасига сертификатнинг амалда бўлган муддати учун сертификатда белгиланган фоиз ставкаси буйича фоизлар тўлайди. Бунда, банк сертификатларнинг муддатидан олдин тўловга тақдим этилиши ва уларни тўловга тақдим этиш шартлари тўғрисида камида бир ой олдин оммавий ахборот воситалари орқали эълон бериши лозим.

4.8. Агар сертификат бўйича депозитни (омонатни) олиш муддати депозит сақловчиси томонидан ўтказиб юборилган бўлса, у ҳолда банк сертификатда белгиланган депозит суммаси ва ҳисобланган фоизларни сертификат эгасининг талабига кўра тўлашга мажбурдир. Сертификат суммасини талаб қилиш кунидан

ҳақиқатда сертификатни тўлов учун тақдим этиш кунигача бўлган муддат учун фоизлар, талаб қилиб олингунча омонатлар бўйича тўланадиган фоизлар миқдорида тўланади.

V. ЯКУНЛОВЧИ ҚОИДАЛАР

5.1. Депозит (омонат) сертификатларининг корешокларини, сертификат бланкаларини ва сертификатларнинг қўшимча варакларини (иловаларини) сақлаш, шунингдек сертификат бланкаларининг бухгалтерия ҳисобини юритиш ҳамда сертификатлар билан боғлиқ амалиётлар банк томонидан белгилаган тартибда амалга оширилади.

5.2. Йўқотилган сертификатлар бўйича хукуқлар банк томонидан қайта тикланади.

5.3. Сертификат йўқотилганда сертификат сақловчisi унинг дубликатини беришни сўраб банкка ёзма равишда ариза билан мурожаат этишга ҳақлидир.

5.3.1. Сертификат йўқолганилиги аниқланганда сертификат сақловчisi бу ҳақда ариза тақдим қилиш орқали банкни хабардор қилиши шарт. Ариза банкка тақдим этилган санадан бошлаб, 10 кун ичида кўриб чиқилади. Ариза банкнинг маҳсус журналида қайд этилади, ушбу журнал рақамланган, тикилган ва банк муҳри билан тасдиқланган бўлиши лозим.

5.4. Ариза сертификатнинг корешоги билан бирга сақланади. Аризада сертификат расмийлаштирилган сана, сертификат рақами, сертификат банкнинг қайси бўлими орқали берилганилиги, кимнинг номига расмийлаштирилганилиги (юридик шахснинг номи) ва қанча миқдордалиги кўрсатилади.

Ариза ва бошқа зарур хужоатлар банк Бошқаруви ташкил этган маҳсус комиссия томонидан кўриб чиқилгандан сўнг ва ариза бўйича ўжобий қарор қабул қилинганидан кейин банк йўқолган сертификат бўйича тўловларни амалга оширади ёки аризачига сертификат дубликатини беради.

5.5. Сертификатга оид ахборотлар Ўзбекистон Республикаси «Қимматли Қоғозлар бозори» тўғрисидаги қонуни ва Вазирлар Махкамасининг 2014 йил 2 июлдаги 176 сонли қарори билан тасдиқланган «Акциядорлик жамиятларининг корпоратив веб-сайтларига қўйиладиган талаблар тўғрисида» Низом талаблари мувофик ошкор килинади.